

Broj: 01-05- /17  
Datum, 28.04.2017.godine

## Z A P I S N I K

sa 4. sjednice V saziva Općinskog vijeća općine Gornji Vakuf – Uskoplje, održane 30. marta 2017. godine u Velikoj sali općine Gornji Vakuf - Uskoplje, sa početkom u 10<sup>00</sup> sati.

Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijić Senad, Pomoćnici načelnika – Milić Nikola, Sofić Osman, Šain Branko, Šišić Suad, Matijanić Branko, ovlaštenu predstavnik SDA Agić Adis, predsjednik OO SDP Gekić Edin, ovlaštenu predstavnik DF-a Čalkić Samir, stručni saradnik za budžet Ljubunčić Omer, direktor JU Centar za socijalni rad Ivo Juričević, direktor JU Centar za obrazovanje i kulturu Nermina Gudić, direktor JU Dom zdravlja Ejub Zukić, direktor JU Apoteka Ivan Dundović, VD direktor JU dječji vrtić „Zvončić“ Tijana Barnjak, predstavnici medija – RTV Bugojno.

Sekretar općine Prijić Senad, je izvršio prozivku prisutnih vijećnika, tako da su sjednici prisustvovala 23 vijećnika i to: Idrizović Dževad, Ramić Adnan, Manjgo Ramiz, Brzika Amra, Petrović Haris, Čaušević Merhila, Gafić Maid, Demirović-Spahić Alena, Pidro Muris ( izašao ranije sa sjednice u 13<sup>40</sup> ), Hadžiahmetović Dijamin - SDA, Herceg Josip, Novaković Ana, Batinić Goran, Jurina Danijela, Krajina Marinko, Novaković Marin, Posavac Ivo, Žuljević Ivica, Elez Berislav – vijećnici Hrvatske liste HDZ BiH, HDZ 1990, HSP BiH i HSS Stjepan Radić, Karamustafić Naser, Kičin Kadir – SDP, Puljarga Sabahudin-SBB, Dedić Šeherzada - DF

Sjednicu je otvorio predsjednik Općinskog vijeća Gornji Vakuf – Uskoplje Batinić Goran, koji je pozdravio prisutne vijećnike i predložio je na usvajanje sljedeći

### DNEVNI RED:

1. Vijećnička pitanja
2. Usvajanje Zapisnika sa 3. sjednice Općinskog vijeća
3. Izvještaj o radu JU Apoteka za 2016.godinu i Plan rada za 2017.godinu
4. Izvještaj o radu JU Dom zdravlja za 2016.godinu i Plan rada za 2017.godinu
5. Izvještaj o radu i finansijskom poslovanju JU Centar za socijalni rad Gornji Vakuf-Uskoplje za 2016.godinu i Plan rada za 2017.godinu
6. Izvještaj o radu JU Centar za obrazovanje i kulturu Gornji Vakuf-Uskoplje za 2017.godinu i Plan rada za 2017.godinu
7. Izvještaj o radu JU Dječji vrtić „Zvončić“ Gornji Vakuf-Uskoplje za 2016.godinu i Program rada za školsku 2017.godinu
8. Izvještaj o izvršenju budžeta općine Gornji Vakuf-Uskoplje za razdoblje od 01.01. do 31.12.2016.godine
9. Prijedlog Odluke o imenovanju Radne grupe za izradu Strategije razvoja Općine Gornji Vakuf-Uskoplje
10. Akti imovinsko pravne službe;
  - a) Prijedlog Odluke o davanju saglasnosti za kupovinu nekretnine označene kao k.č. 1555 k.o. SP\_Gornji Vakuf
  - b) Prijedlog Odluke o izmjeni i dopuni Odluke Općinskog vijeća Gornji Vakuf br. 01/1-05-15/01 od 24.02.2001.god.
  - c) Prijedlog Rješenja o prijenosu nepokretne imovine SIZ-a za stambeno-komunalne djelatnosti Gornji Vakuf na Općinu Gornji Vakuf-Uskoplje

Diskusije:

Karamustafić N.-SDP

- Koliko znam, imali smo neki dogovor da „Akti imovinsko pravne službe“ ne budu zadnja tačka dnevnog reda, stoga predlažem da „Akti imovinsko pravne službe“ budu 6. tačka dnevnog reda današnje sjednice, a ako ne bude mi se nećemo izjašnjavati po bilo kojoj tački dnevnog reda današnje sjednice.

Čaušević S.-Općinski načelnik

- Predlažem dopunu dnevnog reda današnje sjednice sa tačkom; „*Prijedlog Odluke o imenovanju stručne komisije za izradu Plana korištenja javnih površina na području Općine Gornji Vakuf-Uskoplje*“

Batinić G.-predsjednik OV-a

- Dajem na glasanje prijedlog Karamustafić N. da se tačka „Akti imovinsko pravne službe“ s 10. tačke izmjesti na tačku broj 6. dnevnog reda.

*Prijedlog Karamustafić N. da se tačka „Akti imovinsko pravne službe“ s 10. tačke dnevnog reda izmjesti na tačku broj 6. nije usvojen ( 3 „za“, 20 „suzdržano“, 0 „protiv“ )*

Batinić G.-predsjednik OV-a

- Dajem na glasanje prijedlog Općinskog načelnika da 11. tačka dnevnog reda bude; „*Prijedlog Odluke o imenovanju stručne komisije za izradu Plana korištenja javnih površina na području Općine Gornji Vakuf-Uskoplje*“

*Prijedlog Općinskog načelnika da 11. tačka dnevnog reda bude; „Prijedlog Odluke o imenovanju stručne komisije za izradu Plana korištenja javnih površina na području Općine Gornji Vakuf-Uskoplje“ usvojen sa većinom glasova ( 20 „za“, 3 „vijećnika se nisu izjasnila“ )*

*Predloženi Dnevni red uz gore navedenu dopunu usvojen sa ( 20 «za», 3 „vijećnika se nisu izjasnila“ )*

## **Ad. 1.**

### **Odgovori na Vijećnička pitanja**

Ramiz Manjgo – SDA

- Nisam zadovoljan odgovorom koji sam dobio na vijećničko pitanje; *Problem rješavanja samohranih majki. Koja je uloga Centra za socijalni rad da se iznađe rješenje zbrinjavanju navedene populacije?* Po meni odgovor je neozbiljan, mislim da bi se trebalo malo drugačije odgovarati na postavljena vijećnička

Naser Karamustafić - SDP

- Zadovoljan odgovorom

Kadir Kičin – SDP

- Zadovoljan odgovorom

Marin Novaković – HDZ BiH

- Zadovoljan odgovorom

Ivo Posavac - HDZ BiH

- Zadovoljan odgovorom

Muris Pidro - SDA

- Zadovoljan odgovorom

Dijamin Hadžiahmetović – SDA

- Zadovoljan odgovorom

Alena Spahić- Demirović- SDA

- Zadovoljna odgovorom

Šeherzada Dedić– DF

- Zadovoljna odgovorima

## Nova vijećnička pitanja:

Šeherzada Dedić - DF

1. Insistiram da nam se dostave svi članovi upravnih , nadzornih odbora i komisija u općini Gornji Vakuf-Uskoplje.
2. Informacija o korisnicima prava stalne novčane pomoći, spisak jednokratnih pomoći u 2016 godini broj korisnika 183. osobe, spisak prava po ovom osnovu kroz 2016.godinu ostvarilo 430. korisnika sa novčanim primanjima od 271,25 KM  
J.U. Centar za socijalni rad Gornji Vakuf-Uskoplje.

Sabahudin Puljarga - SBB

1. Stočna pijaca- kakav je status ove površine , da li se išta planira sa njom uraditi ?  
Da li će neko očistiti ovu površinu jer na njoj niče nova deponija smeća i potencijalni izvor zaraze ?
2. Da li direktor jedne javne ustanove čiji je osnivač općina može biti predsjednik upravnog odbora druge javne ustanove čiji je osnivač takođe općina ?
3. Na decembarskoj sjednici O.V. sam pobrojao svjetiljke ulične rasvjete koje ne rade. Zašto do danas te svjetiljke nisu osposobljene ?
  - Ulica Gradska kod mesnice Muminović i brijačnice „ Vele“
  - Ulica Srebreničkih žrtava kod ulaza u Elektrodistribuciju EP BiH
  - Ulica Mehmedbega Stočanina kod kafea ABC
  - Ulica Omladinska na samom ulazu u O.Š. 2 sijalice i pored kotlovnice i na izlaznoj kapiji po jedna sijalica.

Marinko Krajina – HDZ BiH

1. Kad se planiraju započeti radovi na mostovima na lokalnom putu Vilić Polje – Podgrađe ?

Ivo Posavac - HDZ BiH

1. Da li se planira čišćenje gradskih ulica od abrazivnog materijala i kada , kao i krpanje udarnih rupa u samoj jezgri grada koje su već dugo otvorene ? Zakon o cestama nam kaže da navedeni radovi bi trebali biti gotovi do 15.06. Koliko je to moguće ?

Muris Pidro - SDA

1. Šumarija Gornji Vakuf-Uskoplje;  
Zašto se dozvoljava pretovar usječenih stabala koje prevoze teretna vozila sa prikolicom i kolika je najveća kubikaža drveta koje se smije natovariti na kamion ?

Naser Karamustafić – SDP

1. Šta se misli i šta se planira uraditi sa gradskim parkom , da li će doći do pomjeranja granica parka i da li će doći do uništavanja drveća i biljnog svijeta ?
2. Što je Policijska stanica Gornji Vakuf-Uskoplje preduzela i što će preduzeti o zaštiti i sigurnosnoj situaciji građana i materijalnih sredstava u Gornjem Vakufu-Uskoplju ?
3. Zašto Općinsko vijeće ne donese odluku o davanju prostorija ( Komitet , Policijska stanica bivša) za razna udruženja ? (Polet )

Kadir Kičin – SDP BiH

1. Prema informacijama Fena-e, Ministarstvo poljoprivrede , vodoprivrede i šumarstva SBK/KSB planira izgradnju dvije nove mini Hidroelektrane na području općine Gornji Vakuf-Uskoplje. Interesuje me , koja je lokacija budućih mini Hidroelektrana ?Tko su investitori ? Kada počinju radovi na istim ?
2. Molim vas da mi dostavite Bankovne izvještaje svih javnih ustanova Općine Gornji Vakuf-Uskoplje !

U službenom glasniku općine Gornji Vakuf-Uskoplje izdat 27.02.2017.godine , u Odluci o restrukturiranju novčanih sredstava , stoji prijenos sa ek. koda 821 211 nabavka zgrada, iznos od 15.000,00 KM na ek. kod 821 621- investiciono održavanje zemljišta – industrijska zona.

Dok gospodin Načelnik u zapisniku kaže da na ek. kod 821 621 mogu samo pristići sredstva iz Kantonalnog Ministarstva privrede i Federalnog Ministarstvo obrta i poduzetništva.

Kako je to moguće i zašto je došlo do ovog prijenosa ?

Berislav Elez - HSP BiH

1. Ovo pitanje postavljam u ime većeg broja građana a ono se odnosi na rad administracije Općine i Matičnog ureda. Građani su suočeni s jako velikim brojem problema prilikom vađenja dokumentacije i drugih potvrda i uvjerenja. Naime radi se o tome da se često traže neke ispravke koje zbog vremenske distance nisu uopće bitne a isto tako se određeni pravilnici tumače na čudne načine što izaziva dodatnu dokumentaciju i stvara određene probleme , također imamo primjera da su tražena neka uvjerenja koja osnovni zakon isključuje te ona nisu potrebna.

Nekoliko primjera;

- Kako je moguće da ne vrijedi Punomoć ovjerena u sudu u Njemačkoj ( radi se o pun omoći za izdavanje rodnog lista) a ujedno postavljam pitanje zašto je potrebna uopće punomoć za tako obične dokumente koji se ne mogu zloupotrijebiti ?
- Iz kojeg razloga se traži da vršimo ispravke za osobe koje su umrle prije 70 i više godina ako to nema nikakvog utjecaja na stranku u postupku ?
- Zašto se traži Smrtni list ne stariji od 6 mjeseci za osobu umrlu u inozemstvu prilikom upisa u knjigu umrlih, ( šta se to može promijeniti na smrtnom listu ) ?
- Zašto se traži Uvjerenje za zdravstveno osiguranje za dijete koje pohađa školu u drugom Kantonu ako djeca do 18. godina imaju pravo na zdravstveno bez obzira dali pohađa nastavu ?
- Iz kojih razloga se traži Rješenje razvoda iz prvog braka ako osoba ima vjenčani list s drugom suprugom, (valjda se nije mogao vjenčati ako nije bio slobodan ) ?
- Iz kojeg razloga se traže dokumenti za oba roditelja prilikom upisa djeteta ako je jedan roditelj stranac a dijete ima pravo na državljanstvo po osnovi jednog roditelja?

### **Usmeni odgovori na vijećnička pitanja:**

Nije bilo usmenih odgovora na 4. sjednici Općinskog vijeća Gornji Vakuf-Uskoplje

### **Ad. 2.**

### **Usvajanje Zapisnika sa 3.sjednice Općinskog vijeća**

Diskusije:-

*Zapisnik sa 3.sjednice Općinskog vijeća usvojen sa većinom glasova ( 20 «za», 3 „vijećnika se nisu izjasnila" )*

### **Ad. 3.**

### **Izveštaj o radu JU Apoteka za 2016.godinu i Plan rada za 2017.godinu**

Dundović I.-ispred izvjestioca

- Dao je kratko objašnjenje Izvještaja o radu JU Apoteka za 2016.godinu i Plan rada za 2017.godinu

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 27.03.2017. godine razmatrala Izvještaj o radu JU Apoteka za 2016.godinu i Plan rada za 2017.godinu, komisija daje pozitivno mišljenje na Izvještaj o radu JU Apoteka za 2016.godinu i Plan rada za 2017.godinu, te predlaže Općinskom vijeću da ga usvoji

Gafić M.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 27.03.2017. godine, razmatrala je Izvještaj o finansijskom poslovanju JU Apoteka za

2016.godinu, komisija daje pozitivno mišljenje na Izvještaj o finansijskom poslovanju JU Apoteka za 2016.godinu, te predlaže Općinskom vijeću da ga usvoji

Idrizović Dž.-ispred kluba SDA

- U Programu rada za 2017. godinu, planirani rashodi, stoji 400,00. Smatram da je trebalo napisati „hiljade“ ako je se mislilo na njih
- Smatram da ovaj Izvještaj treba analitički doraditi iz više razloga
- Navedeno je da je JU Apoteka poslovala sa 3 000,00 KM dobiti. Ono što sam ja vidio je da je poslovni prihod bio 397 867,00 KM a poslovni rashod 414 714,00 KM, tu je neki gubitak od 16 847,00 KM. Ovaj gubitak pokriva finansijski ostali finansijski prihod koji iznosi negdje oko 21 000,00 KM. Smatram da bi direktor trebalo za narednu sjednicu da nam ovo analitički pojasni
- Navedene su obaveze prema dobavljačima koje iznose cca 290 000,00 KM. Volio bih da u ovom Izvještaju vidim postotak učešća određenih dobavljača, koji su to najveći potražioc i kolike su obaveze prema pojedinim dobavljačima
- Stav kluba SDA je da se ovaj Izvještaj vrati na doradu i klub SDA neće podržati ovaj Izvještaj o radu JU Apoteka za 2016.godinu i Plan rada za 2017.godinu

Gafić M.-SDA

- Imam pitanje za direktora, Vi ste nama ovdje naveli plan otplate duga u iznosu od 8-10 000,00 KM mjesečno. To znači da ćete za godinu dana vratiti od 100 000,00 KM do 120 000,00 KM u 2017. godini. U bilanci stanja stoji da su se obaveze prema dobavljačima smanjile za 220,00 KM u 2016. godini. Interesuje me da li je to realan plan, na osnovu čega Vi temeljite neku „hiper produkciju“ prihoda, odnosno da ćete pored redovnih troškova uspjeti servisirati toliki dug.
- U Planu rada niste napisali koliko ćete potrošiti sredstava za nabavku robe u Planu rashoda, gore ste je uredno prihodovali u Planu, planirali ste prodati ali niste naveli koliko ćete potrošiti da to sve kupite.

Karamustafić N.-SDP

- Mislim da se ovdje radi o licemjerstvu SDA. Ja sam u vijeću evo deveta godina, kad su Izvještaji bili u strašnoj dubiozi, kad je bio gubitak, svaki put su usvajani. Zašto se sada kad se je u ove zadnje dvije godine nešto uradilo i postiglo ne želi podržati ovaj izvještaj.
- Smatram da bi se svi trebali okrenuti i JU Dom zdravlja i svi mi da izvučemo Apoteku iz dubioze i da pomognemo tim ljudima.

Elez B.-HL

- Želim da kažem da ovaj Izvještaj o radu JU Apoteka za 2016.godinu i Plan rada za 2017.godinu ima dosta manjkavosti, prije svega u ovom tehničkom dijelu
- Prvi put nakon dosta godina imamo smanjenje duga prema dobavljačima, za razliku od prethodnih godina gdje smo iz Izvještaja mogli vidjeti da se dug povećao, ili je dug ostao isti a poslovanje je bilo u minusu
- Također se može iz ovog Izvještaja o radu JU Apoteka za 2016.godinu i Plan rada za 2017.godinu može vidjeti da je poslovanje pozitivno, stoga bih predložio da se ovaj Izvještaj o radu JU Apoteka za 2016.godinu i Plan rada za 2017.godinu usvoji uz konstataciju da naredni Izvještaji budu opširniji i tehnički dotjeranije

Herceg J.-ispred kluba HL

- Kad je u pitanju JU Apoteka znamo dobro kakvih smo imali problema ranije kad su u pitanju Izvještaji o radu i njihovom poslovanju, razmišljali smo i o gašenju ove ustanove, problemima koje smo imali dok smo tražili farmaceuta i dr. Mislim da smo došli na jednu poziciju iz koje se vidi da je se stabilizirala ova javna ustanova, vidi se da direktor JU Apoteka ima viziju kako da pozitivno posluje, stoga mu trebamo pomoći.
- Smatram da je komisija za budžet i finansije i ekonomska pitanja trebala ukazati direktoru na određene propuste koje se tiču finansija
- Trebamo usvojiti zaključak kojim se daje potpora direktoru JU Apoteka, direktor je stalno prisutan na poslu, stanje se stabiliziralo, dobavljači nisu pobjegli, trebamo mu pomoći i trebamo imati razumijevanja za određene tehničke greške koje su napravljene u ovom Izvještaju o radu JU Apoteka za 2016.godinu i Plan rada za 2017.godinu

Idrizović DŽ.-replika

- Za mene nije nikakvo licemjerstvo ako tražimo da se neke stvari iz Izvještaja o radu JU Apoteka za 2016.godinu i Plan rada za 2017.godinu obrazlože kvalitetnije i opširnije
- Smatram da bi za mjesec dana kako sam predložio dobili Izvještaj koji bi sadržavao puno više analitičkih pokazatelja i koji bi nam pružio priliku da se više uključimo u rješavanju određenih problema u JU Apoteka, koji su prisutni u svakodnevnom radu ove ustanove

Karamustafić N.-replika

- Mi iz SDP-a smo ukazivali na negativno poslovanje ove ustanove, ukazivali smo na određene propuste u radu ljudi iz starog Upravnog odbora ove ustanove, tražili smo njihovu odgovornost i odgovornost direktora koji su direktni krivci za negativno poslovanje JU Apoteka.
- Nažalost i poslije svih tih naših upozorenja Izvještaji o radu su se redovno usvajali a Apoteka je svakim danom sve više propadala ( dubioza u poslovanju bila oko 400 000,00 KM ) , ne znam kako to drugačije nazvati.

Gafić M.-replika

- Komisija je na svom sastanku održanom u ponedjeljak uputila iste zamjerke direktoru u vezi nabavke robe, odnosno rashodovne strane u Planu za 2017. godinu
- Također komisija mu je navela grešku računovođe, gdje mu je naplaćeni prihod veći od fakturisanog

Gekić E.- predsjednik OO SDP

- Predsjednik kluba SDA je tražio da se objasne „ostali prihodi i ostali rashodi“. SDP redovno traži jer je to veoma bitno da se objasne „ostali prihodi i ostali rashodi“ jer je to po nama veoma bitno
- Kad je u pitanju ovaj Izvještaj o radu JU Apoteka po meni traži se „dlaka u jajetu“, stvarno je žalosno iz razloga što prvi put imamo situaciju da ova Javna ustanova pozitivno posluje
- Znamo dobro čiji su direktori bili, iz koje političke opcije su dolazili, kakvo su stanje ostavili i ovo je za mene za pokretanje krivične odgovornosti ranijih direktora
- Za mene je ovo samo jedna politizacija SDA bez obzira kako se glasalo, na kraju ćemo vidjeti rezultat svega ovoga

Krajina M.-HL

- Drago mi je da danas već drugu godinu imamo Izvještaj o radu JU Apoteka koji je puno bolji od nekih izvještaja iz prethodnih godina, slažem se sa kolegama koji kažu da ima određenih tehničkih nedostataka. Trebamo uzeti u obzir da je direktor tu kratko, mislim da smo mu svi mi trebali pomoći u jednom dijelu
- Znamo da je dug JU Apoteka bio 360 000,00 KM, znamo i to da su neki vijećnici tražili da Apoteka ide u stečaj a da se to desilo onda bi općina morala namiriti tu štetu
- Drago mi je da se krenulo u otplatu tih dugova, smatram da trebamo dati podršku direktoru da nastavi da radi posao koji je započeo
- Predložio bih kratku pauzu gdje bi usvojili određeni Zaključak u vezi Izvještaja o radu JU Apoteka

Dundović I.-direktor JU Apoteka

- Slažem se da u Izvještaju o radu JU Apoteka za 2016. godinu i Planu rada za 2017. godinu ima određenih grešaka koje ćemo mi ispraviti i Ja ću to odraditi kako treba
- Što se tiče dugova, jedino smo dužni firmi MGM kojoj smo dužni 274 000,00 KM, ostale dobavljače smo isplatili u dogovoru sa MGM-om da ne bi došlo do pokretanja tužbi od strane pojedinih dobavljača
- Stoji primjedba da u Planu rada za 2017 godinu nisam planirao rashode za nabavku lijekova

Batinić G.-predsjednik OV-a

- Predlažem pauzu od pet minuta i pozivam predsjednike klubova na konsultacije

( Pauza od 11<sup>00</sup>- 11<sup>10</sup> )

Batinić G.-predsjednik OV-a

- Dajem na usvajanje Zaključak o Izvješčaju o radu JU Apoteka Gornji Vakuf-Uskoplje za 2016.godinu i Planu rada za 2017.godinu:
  1. Općinsko vijeće Gornji Vakuf-Uskoplje prima na znanje Izvješčaj o radu JU Apoteka Gornji Vakuf-Uskoplje za 2016.godinu i Program rada za 2017.godinu
  2. Zadužuje se direktor JU Apoteka Gornji Vakuf-Uskoplje da za 6. Redovnu sjednicu Općinskog vijeća Gornji Vakuf-Uskoplje pripremi Izvješčaj o poslovanju javne ustanove za prvih šest mjeseci u 2017.godini, sa detaljnom analizom poslovanja.

*Zaključak o Izvješčaju o radu JU Apoteka Gornji Vakuf-Uskoplje za 2016.godinu i Planu rada za 2017.godinu uz gore navedenu primjedbu usvojen sa većinom glasova ( 20 «za» , 3 „vijećnika se nisu izjasnila“)*

#### **Ad. 4.**

### **Izvješčaj o radu JU Dom zdravlja za 2016.godinu i Plan rada za 2017.godinu**

Zukić E.-direktor JU Dom zdravlja Gornji Vakuf-Uskoplje

- Dao je obrazloženje Izvješčaja o radu JU Dom zdravlja Gornji Vakuf-Uskoplje za 2016.godinu i Plan rada za 2017.godinu

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 27.03.2017. godine razmatrala Izvješčaj o radu JU Dom zdravlja Gornji Vakuf-Uskoplje za 2016.godinu i Plan rada za 2017.godinu, komisija daje pozitivno mišljenje, te predlaže Općinskom vijeću da ga usvoji

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 27.03.2017.godine razmatrala Izvješčaj o finansijskom poslovanju JU Dom zdravlja Gornji Vakuf-Uskoplje za 2016.godinu i Plan rada za 2017.godinu, komisija daje pozitivno mišljenje o finansijskom poslovanju, te predlaže Općinskom vijeću da ga usvoji

Herceg J.-ispred komisije za Statut i propise

- Komisija za Statut i propise je na svojoj sjednici održanoj 29.03.2017. godine ima male primjedbe; U Izvješčaju o radu JU Dom zdravlja Gornji Vakuf-Uskoplje za 2016.godinu i Plan rada za 2017.godinu sjedište JU Dom zdravlja, stoji da je sjedište ustanove u ulici „Branilaca grada“, a treba „Bistrička cesta“, ta je primjedba bila i prošle godine, tražimo da se to ispravi.

Karamustafić N.-SDP

- Ovdje govorim i kao predsjednik kluba SDP-a i kao zaposlenik JU Dom zdravlja Gornji Vakuf-Uskoplje
- Na fonu direktorove diskusije, mogu da kažem da postoje određene interne i eksterne prepreke. Kolektivni ugovor nije postignut, Sindikat planira nekakav štrajk. Došlo je do malih propusta i pritisaka na članove sindikata.
- Smatram da radnici u JU Dom zdravlja dobro rade i smatram da su pacijenti zadovoljni
- Interesuje me kakvo je stanje po pitanju „Hitne pomoći“, znamo da mora biti odvojena i da se uspostavlja na 55 hiljada stanovnika, ali isto tako znam da nam je najbliža bolnička ustanova 75 kilometara udaljena
- Postavio bih pitanje dali će se formirati tim za patronažnu službu i kućne posjete. Apelujem na Općinsko vijeće da iznađe sredstva za kućne posjete, jer ima strašno puno ljudi koji su bolesni i kojima se odlazi mimo protokola, idemo ili Ja ili direktor ili doktorica Ana koji naplaćujemo a ti ljudi su možda direktni korisnici socijalne usluge.
- Interesuje me da li će se formirati Ambulanta u Voljicu i ako hoće kada će to biti
- Imam jednu zamjerku na rad Upravnog odbora. Radili su neke stvari koje nisu smjeli raditi,

izlazili su iz svojih ingerencija, stoga im normalu.

sugerišem da te stvari vrate u

- Zamolio bih Socijalnu službu ako može da osigura zavojni materijal za pacijente koji boluju od multipla skleroze, nažalost imamo puno bolesnih od multiple.
- Imam jednu zamjerku na rad Upravnog odbora. Radili su neke stvari koje nisu smjeli raditi, izlazili su iz svojih ingerencija, stoga im sugerišem da te stvari vrate u normalu.
- Drago mi je što smo angažovali pulmologa jer smo potencijalno žarište za tuberkulozu

Novaković A.-replika

- U radno vrijeme doktorice Ane sve iz realizirane kućne posjete odrade se bez marke naknade

Karamustafić N.-replika na repliku

- Meni se čini da se mi doktorice nismo razumjeli. Rekao sam da bez para i Ja, i Vi i direktor i Almir idemo u kućne posjete. Ne znam šta ste Vi razumjeli, ako ste me pogrešno razumjeli onda izvinite, rekao sam da se ide u kućne posjete bez para. U kućne posjete se ide i privatno.

Idrizović Dž.-ispred kluba SDA

- Iskoristio bih priliku da čestitam direktoru na kvalitetno urađenom Izvještaju o radu JU Dom zdravlja Gornji Vakuf-Uskoplje za 2016.godinu i Plan rada za 2017.godinu
- Iz ovog Izvještaja možemo da vidimo da se puno toga uradilo od zadnjeg izvještaja koji smo imali pred sobom, opremljenost materijalno tehničkim sredstvima je na zavidnom nivou
- Sve pohvale za zaposlene u JU Dom zdravlja Gornji Vakuf-Uskoplje na ime usluga koje pružaju pacijentima
- Klub SDA daje punu podršku direktoru i zaposlenim u JU Dom zdravlja sa željom da nastave tako

Dedić Š.-DF

- Imam primjedbe na izvještaj o radu JU Dom zdravlja, Izvještaj je friziran i ne odražava pravo stanje.
- Svi zaposleni koji su zaposleni u mandatu sadašnjeg direktora su primljeni bez konkursa. Primani su zaposlenici iz drugih gradova dok naša djeca moraju tražiti posao u Njemačkoj, Americi, Kanadi ili u drugim zemljama.
- Troškovi i naknada za prevoz u iznosu od 22 812,00 KM su veliki jer je velik broj zaposlenih iz drugih gradova
- Sudski troškovi prikazani u Izvještaju su dokaz izgubljenih sudskih sporova, što je dokaz nezakonitog rada
- Ugovori o djelu za specijaliste u iznosu od 123 820,00 KM jesu veliki. Dovode se bez potrebe specijalisti a Dom zdravlja ima takve među zaposlenima.
- Diskutabilno je iz kojih razloga se angažuju i masno plaćaju spoljni saradnici
- Stručna usavršavanja dostupna su samo privilegovanim, dok neki ne mogu dobiti ni slobodan dan
- Stručno vijeće je samo paravan za sve nezakonitosti u radu i u sastavu vijeća su nekompetentne i podobne osobe
- Na zaposlene koji razmišljaju svojom glavom vrši se strašan pritisak, vrši se mobing na njima
- Prevoz pacijenata ne vrši se prema potrebama nego na način kako to direktor odredi
- Ljekarska uvjerenja svih vrsta se dobijaju vrlo lako, pa veliki broj građana iz drugih općina dolazi po ljekarska uvjerenja u Dom zdravlja Gornji Vakuf-Uskoplje
- Dakle, zbog bezbroj nepravilnosti u radu, čiji sam bila sudionik i nekorektnog menadžmenta prema zaposlenicima i građanima ove općine ne mogu glasati za usvajanje ovakvog Izvještaja.

Herceg J.-HL

- Mogu reći da je JU Dom zdravlja Gornji Vakuf-Uskoplje za nas najvažnija ustanova, ona je ogledalo i slika naše općine.
- Negdje oko 80 hiljada ljudi je prošlo kroz ovu ustanovu, nedavno sam bio u ovoj ustanovi



kao pacijent i mogu da kažem da su

stvari puno bolje nego prije tri godine

- Mi ne možemo znati unutrašnje probleme koji su prisutni u pojedinim ustanovama, svaka ustanova ima određene unutrašnje probleme, ali kada ta ustanova dobro funkcioniše onda se te stvari ne vide
- Iskoristio bih priliku da pohvalim menadžment i direktora JU Doma zdravlja za sve ono dobro što su uradili i što rade, tu se vidi jedan prostor koji dobro funkcioniše, funkcioniše iznad prosjeka kad je u pitanju naš Kanton
- Smatram da su se pacijenti trebali malo detaljnije obavijestiti u vezi participacije, i ranije sam tražio da se to uradi, da se to izvjesi u hodniku da bi ljudi mogli vidjeti šta se to plaća i koliko se to plaća
- Mislim da je ovaj Izvještaj o radu JU Dom zdravlja Gornji Vakuf-Uskoplje za 2016.godinu i Plan rada za 2017.godinu do sada najbolji i da ga svakako treba usvojiti

Pidro M.-SDA

- Želio bih da pohvalim rad direktora JU Dom zdravlja, pohvale direktoru za odrađeni posao, pohvale direktoru za finansijsko stanje, pohvale za nabavku novih vozila i novih medicinskih aparata

Kičin K.SDP

- Iznijet ću jednu opasku, mislim da se sanitetska vozila koriste u vlastite svrhe, što radnika, itd.
- Nigdje u Planu rada za 2017.godinu nisam vidio da je planirano vršenje popravke zubi niti sličnih stomatoloških zahvata, zašto ?
- Interesuje me zašto su ovoliki sudski troškovi u vrijednosti od 4 130,00 KM ?

Gekić E.-predsjednik OO SDP

- Interesuje me kirija od prostora koji koristi „Kašmir“, navedeno je da ona godišnje iznosi 6 hiljada i nešto maraka. Kada taj iznos podijelimo na dvanaest mjeseci onda to mjesečno iznosi nekih 512,00 KM, smatram da je kirija jako mala za taj prostor koji se izdaje.
- Spomenuli ste da se u JU Dom zdravlja koriste usluge 10 specijalista, naknada za njihov rad je 150,00 KM po terminu, rade u 4 termina mjesečno, to znači da naknada po specijalisti mjesečno iznosi 600,00 KM. Kada taj iznos pomnožimo sa 10 specijalista, pa pomnožimo sa 12 mjeseci i na to dodamo PDV tada to iznosi 107 920,00 KM a u Izvještaju za 2016. godinu je navedeno da je utrošeno 123 823,00 KM, interesuje me da li je ovdje u pitanju tehnička greška ili je nešto drugo, volio bih da mi se ovo pojasni

Novaković M.-replika

- Replika se odnosi na izlaganje drugarice Dedić, prvenstveno kada je u pitanju pojam „mobing“. Mogu da kažem da se „mobing“ u JU Dom zdravlja vrši na ljudima koji najviše rade. Oni koji najmanje rade pričaju da su u „mobingu“ a realno je obrnuto.

Zukić E.-odgovori na postavljena pitanja

- Očekujem da nam se finansijski malo pomogne po pitanju imunizacije, po pitanju kućnih posjeta, smatram da je to pozitivno
- Izvinjavam se, greška je, sjedište JU Dom zdravlja je u ulici „Bistrička cesta“, i prošle godine je se desilo isto, obećavam da ćemo to ispraviti
- Kolektivni ugovor je tek sada potpisan i ići će od 01.04. 2017. godine
- Iznos plata zaposlenih u JU Dom zdravlja se tiču nas lično, nemam pravo da ih javno objavljujem
- Mogu da kažem da ova javna ustanova dosta dobro vodi računa o svojim zaposlenicima
- Zbog Zakona o radu morao je se potpisati novi Ugovor o radu, to je urađeno negdje pred kraj decembra 2016. godine. Odgovorno tvrdim da će biti ispoštovan Kolektivni ugovor eksplicitno kako je zakonom definisano
- Oni doktori koji su u smjeni moraju ići u kućne posjete bez naknade, slažem se da bi nam Općina trebala pomoći u vezi kućnih posjeta
- Najviše se sredstava potroši kroz usluge previjališta ( pacijenti koji boluju od multiple skleroze, pacijenti koji leže i dr. ), 50 % sredstava potrošimo za gazu i zavojni materijal u odnosu na sve ostalo što ide

- Kad je u pitanju Hitna služba, to je vječiti problem. Da nije sredstava koje dobijemo od Općinskog načelnika i sredstava koje sami uštedimo, ne bi mogli funkcionisati
- Kad je u pitanju ambulanta u Voljicu, mogu da kažem da je bilo određenih problema. Problema imamo sa strujom, participirali smo da nam se priključi voda, postavlja se pitanje čiji je to objekat-ustanova. To nije imovina Doma zdravlja i zbog toga nisam mogao dobiti priključak struje na taj objekat. Ambulanta u Voljevcu nije imovina Doma zdravlja.
- Nijedan sudski spor nismo izgubili, dobili smo Dijanu, dobili smo Dževdu. Izgubljeni sporovi su razlog frustracija pojedinih vijećnika
- U ovom Izvještaju o radu nije ništa frizirano, ne dugujemo nikom ništa, ne ponašamo se bahato, nema nikakvog „mobinga“ u JU Dom zdravlja
- Ne znam da je neko primljen da radi u Domu zdravlja Gornji vakuf-Uskoplje a da dolazi iz druge općine, ne znam zbog čega ovakve frustracije
- Kad je u pitanju stručno usavršavanje, slobodno dođite da vidite koliko moji doktori dobiju dopuštenja da idu na kongrese, seminare i dr., firma im uvijek plaća odlazak kada ne našu sponzora
- Putni troškovi za prevoz zaposlenih plaća se u skladu sa zakonom
- U „Stručnom vijeću“ su 3 ili 4 doktora, medicinski tehničari, uzeo sam ljude iz svih medicinskih odjela, smatram da je Stručno vijeće sigurno kvalitetno i da dobro radi svoj posao
- Kad je u pitanju rad zaposlenih u Domu zdravlja mogu da kažem da se mora raditi i ispunjavati svoje radne obaveze shodno ugovora o radu, nije dovoljno da se samo prijavite u 7<sup>00</sup> sati, mora se raditi
- Odgovorno tvrdim da je vrijeme „čekanja“ naših pacijenata u Domu zdravlja najkraće na Kantonu. Bio sam pacijent i imao sam priliku da se u to uvjerim prilikom posjete medicinskim ustanovama u Travniku, Tuzli i Sarajevu.
- Ovakve priče oko izdavanja Ljekarskih uvjerenja u JU Dom zdravlja Gornji Vakuf-Uskoplje sun pokrenute iz Bugojna, pokrenuti su od strane onih koji ovaj grad, ovu regiju ne vole. Dom zdravlja živi od ovoga i svako Ljekarsko uvjerenje koje se izda evidentira se, u Izvještaju imate cifre iz kojih se vidi koliko se izdalo Ljekarskih uvjerenja. Četiri pečata doktora moraju biti na Ljekarskom uvjerenju, slobodno možete doći to provjeriti i uvjeriti se da li je to tako.
- Objasnio je utrošak sredstava i iznos sredstava koji se izdvaja za specijaliste po ugovorima o djelu koji se angažuju u JU Dom zdravlja Gornji Vakuf-Uskoplje
- Ne znam da li ćemo moći u punom obliku ispoštovati ovaj dio koji je spomenuo Herceg u vezi participacije, veliki je broj usluga koji mi radimo, bit će vrlo teško to staviti na neko vidno mjesto ali ćemo pokušati
- Izuzetno vodimo računa o korištenju sanitetskih vozila, morate znati da mi idemo na teren po pacijente koji idu na dijalizu
- Popravka zuba je bolna tačka svih domova zdravlja, to je veoma skupa djelatnost, jednom smo probali i imali smo dubiozu u poslovanju. Premjestili smo se u drugu zgradu i ponovo ćemo pokušati aktivirati uslugu popravke zuba
- Kirija za prostor koji koristi „Kašmir“ je 500,00 KM, uplata se vrši na račun, sve je javno i transparentno, možete doći i provjeriti da li je to tako
- Svaki angažman i dolazak specijalista je prikazan u ovom Izvještaju i oni se angažuju zavisno od potreba pacijenata

Čalkić S.-Ovlašteni predstavnik DF

- Želio sam da kažem da stavovi vijećnice Š. Dedić ne odražavaju mišljenje Općinske organizacije Demokratska fronta
- Mi imamo drugi stav a to je da dajemo punu podršku radu JU Dom zdravlja Gornji Vakuf-Uskoplje, mogu reći da sa lično izuzetno zadovoljan uslugama koje dobijem ja i moja djeca u Domu zdravlja

Batinić G.-predsjednik OV-a

- Dajem na usvajanje sljedeći Zaključak o Izvještaju o radu JU Dom zdravlja Gornji Vakuf-Uskoplje za 2016.godinu i Planu rada za 2017.godinu: Prihvata se Izvještaj o radu JU Dom

*Zaključak o Izvještaju o radu JU Dom zdravlja Gornji Vakuf-Uskoplje za 2016.godinu i Planu rada za 2017.godinu usvojen sa većinom glasova ( 20 «za», 3 „vijećnika se nisu izjasnila" )*

Batinić G.-predsjednik OV-a

- Predlažem pauzu od deset minuta

( Pauza od 12<sup>20</sup>- 12<sup>30</sup> )

## **Ad. 5.**

### **Izvještaj o radu i finansijskom poslovanju JU Centar za socijalni rad Gornji Vakuf-Uskoplje za 2016.godinu i Plan rada za 2017.godinu**

Juričević I.-direktor JU Centar za socijalni rad Gornji Vakuf-Uskoplje

- Dao je kratko obrazloženje Izvještaja o radu i finansijskom poslovanju JU Centar za socijalni rad Gornji Vakuf-Uskoplje za 2016.godinu i Plana rada za 2017.godinu

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 27.03.2017. godine razmatrala Izvještaj o radu i finansijskom poslovanju JU Centar za socijalni rad Gornji Vakuf-Uskoplje za 2016.godinu i Plana rada za 2017.godinu, i o istom je dala pozitivno mišljenje, te predlaže Općinskom vijeću da ga usvoji

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 27.03.2017. godine,razmatrala Izvještaj o radu i finansijskom poslovanju JU Centar za socijalni rad Gornji Vakuf-Uskoplje za 2016.godinu i Plana rada za 2017.godinu i o istom je dala pozitivno mišljenje, te predlaže Općinskom vijeću da ga usvoji

Pidro M.-SDA

- Interesuje me koje uslove treba da ispunjava trudnica i porodilja da bi mogla ostvariti pravo na novčanu naknadu za vrijeme trudnoće i porođaja, koja nije u radnom odnosu.

Karamustafić N.-SDP

- Zna da smo na prošloj sjednici kada se usvajao budžet tražili da formiramo Javnu kuhinju. Interesuje me da li može JU Centar za socijalni rad da osnuje Javnu kuhinju u općini Gornji Vakuf-Uskoplje.
- Da li se mogu od strane Centra za socijalni rad osigurati neka novčana sredstva za nabavku zavojnog materijala, gaza, da bi se pomoglo ljudima koji boluju od tih teških bolesti.

Idrizović Dž.-SDA

- Mislim da Centar za socijalni rad pored svega onog što je navedeno u Izvještaju za 2016. godinu i Planu rada za 2017. godinu, bi trebao da ima malo veću otvorenost prema stanovništvu, kao i u pružanju stručne - pravne pomoći stanovništvu koje je u stanju socijalne potrebe.
- Mislim da bi trebali da imamo jedan registar korisnika socijalnih usluga, odnosno primanja koja ostvaruju u okviru centra za socijalni rad, radi sprečavanja eventualnih zloupotreba od strane određenih osoba
- Interesuje me kolika je podrška Centra za socijalni rad udruženju za djecu i omladinu sa posebnim potrebama „Pčelica“, koliko sam čuo to udruženje nije više u funkciji.

Gekić E.-predsjednik OO SDP

- Molio bih da mi se objasni dio iz izvještaja u kojem stoji;...Prava po zakonu o medicinskom vještačenju u 2016 godini ostvarilo je 430 korisnika sa prosječnom novčanom naknadom od

- Iz ovog Izvještaja o radu za 2017 godinu se može vidjeti da smo u jako teškoj socijalnoj situaciji, klub SDP-a je predlagao da se osnuje Javna kuhinja, Mi ostajemo pri tome i zalagat ćemo se i u narednom vremenskom periodu.
- U Izvještaju za 2016 godinu stoji da su jednokratnu novčanu pomoć dobile 182 osobe, smatram da je to previše

Juričević I.-odgovori

- Istina je da u 2016 godini nismo dobili ni jedan zahtjev za novčanu naknadu za trudnice i porodilje koje nisu u radnom odnosu iz razloga zato što je Zakon napravljen na takav način da to pravo ne može niko ostvariti. U periodu od kada sam ja na čelu Centra za socijalni rad ( nekih 8-9 godina) samo je jedna majka ostvarila to pravo.
- Osnivanje Javne kuhinje nije u mandatu Centra za socijalni rad, Javne kuhinje u većini slučajeva osnivaju lokalne zajednice, općine. Mišljenja sam da nisu stekli uslovi da se sada osnuje Javna kuhinja na našoj općini.
- Korisnici jednokratne novčane pomoći, njih 182 osobe, su dobili ukupno svega 12 000,00 KM. Dio tih sredstava je utrošen za nabavku određenih lijekova koji se ne nalaze na esencijalnoj listi ( lijekovi za psihičke bolesnike)
- Mi nismo ustanova koja bi se bavila nabavkom sanitetskog materijala, možemo u saradnji sa Crvenim križom dobiti određenu količinu sanitetskog materijala i to bi se uručilo domu zdravlja
- Centar za socijalni rad posjeduje Registar korisnika, ali ima nešto što se zove „profesionalna tajna“, neko ima pravo na „privatnost“, zašto neko mora znati da je neko u stanju socijalne potrebe. Svako koga to interesuje može doći u JU Centar socijalni rad i u skladu sa Zakonom o pristupu informacijama može dobiti određene podatke.
- Nema cenzusa za NI-a i Civilnih žrtava rata, maksimalan iznos naknade iznosi 403,00 KM, zakon je definisao način na koji se to pravo može ostvariti, i takvih mi imamo 430 korisnika
- Kad je u pitanju udruženje „Pčelica“, Centar za socijalni rad je pomagao njihov rad(dosta volontera je radilo u tom udruženju), Općinski načelnik je za dvije godine sa po 9 000,00 KM finansirao rad tog udruženja, sada koliko znam udruženje „Pčelica“ više ne funkcioniše.
- Jednokratnu novčanu pomoć u 2016 godini su dobile 182 osobe od 20,00 KM do 350,00 KM ( naknada za sahranu )

Karamustafić N.-replika

- Ako nije vaša odgovornost, ako nije odgovornost lokalne zajednice, pitam odavde čija je to onda odgovornost. Istina je da dosta stanovništva sa naše općine ide u Bugojno u Javnu kuhinju. Interesuje me gdje se ja mogu obratiti za Javnu kuhinju ?

Manjgo R.-SDA

- Interesuje me zašto samohrane majke, odnosno njihova djeca ne mogu ostvariti pravo na novčana i druga materijalna prava-pomoći ako je Zakon to definisao i ako to pravo ostvaruju u drugim Kantonima i općinama

Juričević I.-odgovor

- Zakon je jasno definisao ko ima pravo na stalna novčana primanja i druge materijalne pomoći, kao i jednokratne novčane pomoći, zna se tačno koji su kriteriji

Batinić G.-predsjednik OV-a

- Dajem na usvajanje Zaključak o Izvještaju o radu i finansijskom poslovanju JU Centar za socijalni rad Gornji Vakuf-Uskoplje za 2016.godinu i Planu rada za 2017.godinu: *Prihvata se Izvještaj o radu JU Centar za socijalni rad Gornji Vakuf-Uskoplje za 2016.godinu i Plan rada za 2017.godinu*

*Zaključak o Izvještaju o radu i finansijskom poslovanju JU Centar za socijalni rad Gornji Vakuf-Uskoplje za 2016.godinu i Plana rada za 2017.godinu usvojen sa većinom glasova ( 19 «za», 1 „suzdržan“, 0 „protiv“, 3 „vijećnika se nisu izjasnila“ )*

## Ad. 6.

### Izveštaj o radu JU Centar za obrazovanje i kulturu Gornji Vakuf-Uskoplje za 2016.godinu i Plan rada za 2017.godinu

Gudić N.-direktorica JU Centar za obrazovanje i kulturu

- Dala je kratko obrazloženje Izveštaja o radu JU Centra za obrazovanje i kulturu Gornji Vakuf-Uskoplje za 2016.godinu i Plana rada za 2017.godinu

Diskusije:

Pidro M.-ispred komisije za društvene djelatnosti

- Komisija za društvene djelatnosti je razmatrala Izveštaj o radu JU Centar za obrazovanje i kulturu Gornji Vakuf-Uskoplje za 2016.godinu i Plan rada za 2017.godinu, komisija daje pozitivno mišljenje, te predlaže Općinskom vijeću da ga usvoji

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 27.03.2017.godine razmatrala finansijski Izveštaj o radu JU Centar za obrazovanje i kulturu Gornji Vakuf-Uskoplje za 2016.godinu, komisija daje pozitivno mišljenje o finansijskom poslovanju JU Centar za obrazovanje i kulturu Gornji Vakuf-Uskoplje za 2016.godinu, te predlaže Općinskom vijeću da ga usvoji

Herceg J.-ispred komisije za Statut i propise

- Komisija za Statut i propise je primijetila da u Planu rada za 2017 godinu nedostaje broj protokola

Novaković M.-HL

- Na komisiji za društvene djelatnosti iznio sam određene sugestije na Izveštaj o radu JU Centar za obrazovanje i kulturu Gornji Vakuf-Uskoplje za 2016.godinu i Plan rada za 2017.godinu
- U Izveštaju o radu JU Centar za obrazovanje i kulturu Gornji Vakuf-Uskoplje za 2016.godinu stoji da je broj knjiga u biblioteci „cirka“, po meni tako ne bi trebalo da stoji, trebalo je da stoji tačan broj knjiga, a isto tako i tačan broj izdanih knjiga
- U Izveštaju o radu JU Centar za obrazovanje i kulturu Gornji Vakuf-Uskoplje za 2016.godinu ste naveli da vam je jedna od prepreka u radu nedostatak centralnog grijanja u zimskom periodu. U Planu za 2017 godinu očekujete povećanje prihoda od nekih 700,00 KM, po meni to je malo ako uzmemo u obzir da će se raditi rekonstrukcija centralnog grijanja, treba stajati veća cifra
- Želio bih pohvaliti pozitivno poslovanje JU Centar za obrazovanje i kulturu u 2016 godini, pohvale direktorici a posebno Muminović Ahmi koji je jako susretljiv u radu, to se vidjelo kroz saradnju na manifestacijama koje smo održali u Domu kulture, počev od „Uskopaljskih jeseni“ do „Hrvatskog proljeća“ koje lično organiziram
- Planirane aktivnosti za 2017 godinu, projekcija filmova za 2017 godinu 10 projekcija, to mi je malo, u 2016 godini smo imali 8 projekcija, mislim da imamo mogućnosti za veći broj projekcija, smatram da je jedan od glavnih razloga slabe posjete kino projekcijama slab marketing, treba raditi da se to ispravi
- Stavka, Prihodi po zahtjevu stoji 18 950,00 KM, interesuje me po kojem zahtjevu, da li je to po zahtjevu prema Općinskom načelniku ili nešto drugo
- Vlastiti prihodi-prihodi od kirija, smatram da bi valjalo znati kolike su kirije, kao i podatke o „ostalim“ donacijama koje ste dobili

Karamustafić N.-SDP

- Smatram da bez para nema dobrog marketinga
- Želio bih da pohvalim direktoricu i Ahmu, smatram da bi Općinsko vijeće i Općinski načelnik trebalo da izdvoji više para za JU Centar za obrazovanje i kulturu. Smatram da je plata direktorice od 800,00 KM i plata Ahme od 470,00 KM sramota svih nas, pogotovo to se vidi kad se usporede plate zaposlenih u drugim javnim ustanovama

Idrizović Dž.-SDA

- Pohvalio bih rad direktorice i našeg Ahme kako ga mi slobodno zovemo
- Smatram da je ono što se postiglo u JU Centar za obrazovanje i kulturu, samo refleksija onoga sa čim raspolaže ta ustanova, odnosno sredstvima kojima raspolaže Centar za obrazovanje i kulturu

- Slažem se da sadržaj usluga koje pruža Centar za obrazovanje i kulturu može biti puno širi, nadam se da će se sa sanacijom grijanja to i postići

Herceg J.-HL

- Na strani 8 Izvještaja o radu za 2016 godinu stoji;...Žiro račun sa 31. 12. 2015 godine stoji iznos od 15 581,06 KM, molio bih da se pojasni o čemu se radi, malo mi je ovo nelogično

Gudić N.-odgovori

- Kad je u pitanju tačan broj knjiga u biblioteci, moram da kažem da nemam zaposlenog bibliotekara, taj posao radim sama, nadam se da će se to u narednom periodu riješiti na način da se zaposli bibliotekar
- Centralno grijanje nisam spominjala ni u Planu rada za 2017 godinu iz razloga što ugovori nisu bili potpisani
- Projekcije filmova, firma „Palas“ iz Banja Luke koja ima jedina putujuće kino nema interes da dođe u našu općinu zbog toga što su veliki troškovi a posjećenost kino projekcijama je jako loša
- Moram pohvaliti posjećenost festivalu „Djeca znaju pjevati“ gdje smo za četiri noći imali posjećenost od 1500 posjetilaca
- Kad je u pitanju marketing, polijepimo plakate, pokušali smo sa pozivnicama, napraviti ćemo i Web stranicu i nadam se da će i posjećenost biti veća
- Prihodi po zahtjevu su prihodi koje dobijemo od Općinskog načelnika
- Iznos kirija se kreće od 15, 20 do 60 KM, imamo neke „podstanare“ koji se oglašuju na plaćanje kirije, to ćemo poslije ove rekonstrukcije riješiti na način da nekog i iselimo iz Doma kulture, nekima tamo i nije mjesto
- Ovo što je iznio Herceg J. je tehnička greška, i ja sam to primijetila, to ćemo ispraviti
- Kad je u pitanju iznos koji stoji;... Žiro račun sa 31. 12. 2015 godine stoji iznos od 15 581,06 KM..., to su sredstva koja su nam uplaćena u decembru, nešto smo iskoristili i utrošili a nešto sredstava je ostalo na računu

*Izvještaj o radu JU Centar za obrazovanje i kulturu Gornji Vakuf-Uskoplje za 2016.godinu i Plan rada za 2017.godinu usvojen sa većinom glasova ( 20 «za», 3 „vijećnika se nisu izjasnila“ )*

## **Ad. 7.**

### **Izvještaj o radu JU Dječji vrtić „Zvončić“ Gornji Vakuf-Uskoplje za 2016.godinu i Program rada za školsku 2017.godinu**

Barnjak T.-VD direktora

- Dala je kratko obrazloženje Izvještaja o radu JU Dječji vrtić „Zvončić“ Gornji Vakuf-Uskoplje za 2016.godinu i Program rada za školsku 2017.godinu

Diskusije:

Pidro M.-ispred komisije za društvene djelatnosti

- Komisija za društvene djelatnosti je razmatrala Izvještaj o radu JU Dječji vrtić „Zvončić“ Gornji Vakuf-Uskoplje za 2016.godinu i Program rada za školsku 2017.godinu, komisija daje pozitivno mišljenje, te predlaže Općinskom vijeću da ga usvoji

Herceg J.-ispred komisije za Statut i propise

- Komisija je primijetila da u Planu rada za 2017 godinu nedostaje broj protokola
- Na kraju Programa rada za 2017 godinu treba stajati direktor dječjeg vrtića i njegov potpis, a ne Predsjednik upravnog odbora

Kičin K.-ispred kluba SDP-a

- Želio bih ispred kluba SDP-a zaželjeti sreću u radu JU Dječji vrtić „Zvončić“ Gornji Vakuf-Uskoplje, želim pohvaliti multietničnost
- Želio bih predložiti temu kroz godinu pod naslovom „Stid, sram i poštenje“

Pidro M.-SDA

- Na komisiji za društvene djelatnosti sam sugerisao VD direktorici da je za Dan nezavisnosti trebalo napraviti određeno obilježavanje u ovoj ustanovi
- Smatram da bi u Programu rada za 2017 godinu trebalo da stoji i Plan aktivnosti

Idrizović Dž.-ispred kluba SDA

- Ispred kluba SDA zaželio bih puno sreće u radu JU Dječji vrtić „Zvončić“ i mi im stojimo na raspolaganju, drago nam je da je naša općina dobila jednu ovakvu ustanovu

Krajina M.-HL

- Želio bih pozdraviti ponovno otvaranje Dječjeg vrtića. Ovo je trakavica koja se provlačila dugi niz godina i hvala bogu i ljudima da je napokon stavljen u funkciju

Barnjak T.-VD direktora-odgovori

- Zahvalila bih se na pohvalama koje ste iznijeli, sve primjedbe koje ste spomenuli ćemo nastojati otkloniti u narednom periodu
- Smatram da je prijedlog vijećnika Kičin K. da se u prijedlog mogućih tema kroz godinu uvrsti tema pod naslovom; „Stid, sram i poštenje“ , neprimjeren
- Vrtić je imao propust kad je u pitanju 01. Mart-Dan nezavisnosti, taj dan je bio neradni, dan ranije ga nismo obilježavali, u Planu rada za 2017 godinu smo planirali temu pod naslovom „Moja domovina“ i to ćemo uraditi

Batinić G.-predsjednik OV-a

- Dajem na usvajanje Zaključak o Izvještaju o radu JU Dječji vrtić „Zvončić“ Gornji Vakuf-Uskoplje za 2016.godinu i Planu rada za 2017.godinu: *Prihvata se Izvještaj o radu JU Dječji vrtić „Zvončić“ Gornji Vakuf-Uskoplje za 2016.godinu i Plan rada za školsku 2017.godinu*

*Zaključak o Izvještaju o radu JU Dječji vrtić „Zvončić“ Gornji Vakuf-Uskoplje za 2016.godinu i Plan rada za školsku 2017.godinu usvojen sa većinom glasova ( 20 „za“ , 3 „vijećnika se nisu izjasnila“ )*

## **Ad. 8.**

### **Izvještaj o izvršenju budžeta općine Gornji Vakuf-Uskoplje za period od 01.01. do 31.12.2016.godine**

Milić N.-ispred izvjestioca

- Dao je kratko obrazloženje Izvještaja o izvršenju budžeta općine Gornji Vakuf-Uskoplje za period od 01.01. do 31.12.2016.godine

Diskusije:

Gafić M.- ispred komisije za budžet i finansije i ekonomska pitanja

- Komisija za budžet i finansije i ekonomska pitanja je na svojoj sjednici održanoj 27.03.2017.godine razmatrala Izvještaj o izvršenju budžeta općine Gornji Vakuf-Uskoplje za period od 01.01. do 31.12.2016.godine, te daje pozitivno mišljenje na Izvještaj o izvršenju budžeta općine Gornji Vakuf-Uskoplje za period od 01.01. do 31.12.2016.godine, te predlaže Općinskom vijeću da ga usvoji

Kičin K.-SDP

- Imam jednu opasku, naime u Budžetu općine za 2017. godinu, stoji u ekonomskom kodu 614 515- Poticaj poljoprivrednoj proizvodnji, da je općina izdvojila hiljadu konvertibilnih maraka u periodu januar-septembar, dok u Izvještaju o radu Općinskog načelnika za 2016 godinu stoji da je općina u oblasti poljoprivredne proizvodnje sufinansirala -podrška

poljoprivrednim proizvođačima, izgradnju ili proširenje gospodarskih objekata za potrebe podizanja ili proširenja poljoprivredne proizvodnje u poljoprivredi u iznosu od 26 200,00 KM. Međutim u Izvještaju koji smo dobili za ovu sjednicu stoji da je općina u ekonomskom kodu 614 515, izdvojila 29 206,00 KM, odnosno više. Interesuje me da li je ovo lapsus ili moramo čestitati općinskom načelniku na ulaganju u poljoprivrednoj proizvodnji.

Čaušević S.-Općinski načelnik

- Kada smo radili Izvještaj o radu općinskog načelnika za 2016 godinu nisu nam stigli računi, sve do 31.01.2017 godine do kada se mogu knjižiti računi, nisu nam bili stigli računi i iz tog razloga se nije moglo knjižiti, uglavnom to je ta razlika od nekih 2 500,00 KM-3 000,00 KM

Batinić G.-predsjednik OV-a

- Dajem na usvajanje Zaključak o Izvještaju o izvršenju budžeta općine Gornji Vakuf-Uskoplje za period od 01.01. do 31.12.2016.godine: *Prihvata se Izvještaj o izvršenju budžeta Općine Gornji Vakuf-Uskoplje za period od 01.01. do 31.12.2016.godine*

*Zaključak o Izvještaj o izvršenju budžeta Općine Gornji Vakuf-Uskoplje za razdoblje od 01.01. do 31.12.2016.godine usvojen sa većinom glasova ( 20 „za“ , 3 „vijećnika se nisu izjasnila“ )*

## Ad. 9.

### **Prijedlog Odluke o imenovanju Radne grupe za izradu Strategije razvoja Općine Gornji Vakuf-Uskoplje**

Čaušević S.-ispred predlagača

- Dao je kratko obrazloženje prijedloga Odluke o imenovanju Radne grupe za izradu Strategije razvoja Općine Gornji Vakuf-Uskoplje
- Predlažem da Općinsko vijeće Gornji Vakuf-Uskoplje imenuje Radnu grupu za izradu Strategije razvoja Općine Gornji Vakuf-Uskoplje za razdoblje 2018 - 2023 godine, u slijedećem sastavu:
  1. Sead Čaušević predsjednik,
  2. Senad Prijić član,
  3. Nikola Milić član,
  4. Suad Šišić član,
  5. Branko Matijanić član,
  6. Osman Sofić član,
  7. Branko Šain član,
  8. Ivo Posavac član,
  9. Selvedina Begović član,
  10. Igor Blažević, član,
  11. Enes Kurbegović član,
  12. Josip Herceg član,
  13. Nermina Gudić član,
  14. Omer Ljubunčić član,
  15. Jozo Jurina član,
  16. Ejub Zukić član,
  17. Ivo Juričević član.
- Zadatak Radne grupe je da izradi Nacrt i Prijedlog strategije razvoja općine Gornji Vakuf-Uskoplje za razdoblje 2018 - 2023 godina.

Diskusije:

Herceg J.-komisija za Statut i propise

- Komisija je na svojoj sjednici donijela Odluku da u preambuli stoji; *...Na osnovu člana 38.*



tačka 2. i 110. stav 1....; a treba;... Na stav 1....

osnovu člana 38. tačka 2. i člana 110.

*Prijedlog Odluke o imenovanju Radne grupe za izradu Strategije razvoja Općine Gornji Vakuf-Uskoplje usvojen sa većinom glasova ( 19 „za“ , 1 „protiv“,3 „vijećnika se nisu izjasnila“ )*

#### **Ad. 10.**

##### **Akti imovinsko pravne službe;**

##### **a) Prijedlog Odluke o davanju saglasnosti za kupovinu nekretnine označene kao k.č. 1555 k.o. SP\_Gornji Vakuf**

Sofić O.-ispred predlagača

- Dao je kratko obrazloženje prijedloga Odluke o davanju saglasnosti za kupovinu nekretnine označene kao k.č. 1555 k.o. SP\_Gornji Vakuf

Diskusije:-

*Prijedlog Odluke o davanju saglasnosti za kupovinu nekretnine označene kao k.č. 1555 k.o. SP\_Gornji Vakuf usvojen sa većinom glasova ( 19 „za“ , 3 „vijećnika se nisu izjasnila“ )*

##### **b) Prijedlog Odluke o izmjeni i dopuni Odluke Općinskog vijeća Gornji Vakuf br. 01/1-05-15/01 od 24.02.2001.god.**

Sofić O.-ispred predlagača

- Dao je kratko obrazloženje prijedloga Odluke o izmjeni i dopuni Odluke Općinskog vijeća Gornji Vakuf br. 01/1-05-15/01 od 24.02.2001.god.

Diskusije:

Herceg J.-komisija za Statut i propise

- U članu 1. treba dodati Odluku, koja se Odluka spominje, njen broj i broj Službenog glasnika gdje je objavljena

*Prijedlog Odluke o izmjeni i dopuni Odluke Općinskog vijeća Gornji Vakuf br. 01/1-05-15/01 od 24.02.2001.godinu uz gore navedenu dopunu usvojen sa većinom glasova ( 19 „za“ , 3 „vijećnika se nisu izjasnila“ )*

##### **c) Prijedlog Rješenja o prijenosu nepokretne imovine SIZ-a za stambeno-komunalne djelatnosti Gornji Vakuf na Općinu Gornji Vakuf-Uskoplje**

Sofić O.-ispred predlagača

- Dao je kratko obrazloženje prijedloga Prijedlog Rješenja o prijenosu nepokretne imovine SIZ-a za stambeno-komunalne djelatnosti Gornji Vakuf na Općinu Gornji Vakuf-Uskoplje

Diskusije:

Karamustafić N.-SDP

- Iz ovog prijedloga Rješenja o prijenosu nepokretne imovine SIZ-a za stambeno-komunalne djelatnosti Gornji Vakuf na Općinu Gornji Vakuf-Uskoplje ne možemo ništa vidjeti, ne znamo koje su to parcele, gdje se one nalaze, ne znamo ništa.

Sofić O.-odgovor

- Ja ovdje imam sve z.k. izvadke, ovdje bi bilo nepotrebno da se svi ovi z.k. izvadci šalju vijećnicima. Kod svega ovoga je najbitnije da sud pazi po službenoj dužnosti i ne može se

- proknjižiti nikakva nekretnina koja nije bila na SIZ-u ili Općini.
- Druga stvar, ovdje se radi o nekoliko stotina nekretnina, možete me pitati o kojima se nekretninama radi, kada bi vam svaku nekretninu prezentirao ovo vijeće bi se završilo negdje oko sedam-osam sati naveče. Općina jedina raspolaže i ima pravo na ovim nekretninama.
- Sve ono što dođe na sjednicu vijeća ispred moje službe je čisto, nema nikakvih podmetanja i sve je javno i transparentno

*Prijedlog Rješenja o prijenosu nepokretne imovine SIZ-a za stambeno-komunalne djelatnosti Gornji Vakuf na Općinu Gornji Vakuf-Uskoplje usvojen sa većinom glasova ( 19 „za“ , 3 „vijećnika se nisu izjasnila“ )*

#### **Ad. 11.**

### **Prijedlog Odluke o imenovanju stručne komisije za izradu Plana korištenja javnih površina na području Općine Gornji Vakuf-Uskoplje**

Čaušević S.-ispred predlagača

- Dao je kratko obrazloženje prijedloga Odluke o imenovanju stručne komisije za izradu Plana korištenja javnih površina na području Općine Gornji Vakuf-Uskoplje
- Ovom Odlukom imenuju se članovi stručne komisije za izradu Plana korištenja javnih površina na područje Općine Gornji Vakuf-Uskoplje, a vezano za obaveze Općine Gornji Vakuf-Uskoplje propisane članom 7. Zakona o korištenju javnih površina u Srednjobosanskom kantonu («Službene novine SBK », br. 14/16).
- U stručnu komisiju predlažu se;
  - Husein Fale                      predsjednik,
  - Vendelin Livajušić        član,
  - Saudin Zahirović        član.

Diskusije:

Idrizović Dž.-SDA

- Interesuje me da li se ovdje misli o planu korištenju javnih površina u svrhu terasa za ugostiteljske objekte
- Volio bih da se definišu prava i obaveze onih koji koriste javnu površinu, ko je koristi i na koji način, ko je dužan da održava javnu površinu

*Prijedlog Odluke o imenovanju stručne komisije za izradu Plana korištenja javnih površina na području Općine Gornji Vakuf-Uskoplje sa većinom glasova (19 „za“ ,3 „vijećnika se nisu izjasnila“)*

*Sjednica završena u 14<sup>00</sup> sati.*

ZAPISNIČAR

Redžić Hidajet

PREDSJEDNIK  
OPĆINSKOG VIJEĆA

Batinić Goran, mag.nov.